



三淵集五

詩

卷之六

~16
2423
5



和
2423
18-5

三淵集卷之九目錄

詩

魚童子道凝挽 四首

吳履周挽

送鄭宗之出宰蔚山 二首

石潭六曲次朱子武夷棹歌韻

麟蹄道中 二首

永矢菴得心字

得冬字

暮登東臺



雨中呼韻

得理字

得菴字

東溪松杉之間有玄巖特起俯臨兩潭余往游
忘返遂名以蔭飲臺潭曰樂飢

山雨連宵枕上感興二首

雪後登北樓延矚

十一夜雪後見月

雪後卽事

送春行出山

雪山索居中聞道以族姪時佐作遊清平不覺

神情飛動輒吟二絕以要和二首

遠承伯氏病未離牀不堪憂戀之悰吟成一律

仰呈座下

峴山三十詠和李使君子東

峴山僊尉穿歷雪嶺枉臨千百淵巖棲板閣秉

燭山月亦佳酒闌興劇輒題一律以要和

永矢菴春帖

江陵烏竹軒二首

雲根亭成乘春騁望題示權大叔益隆○二首

僊源先生楓溪影堂

石郊彥姪家病淹三四日留題

送趙定而之任羅州 三首

詠屏畫 八首

安叅議 原 挽 二首

散步籬外偶吟

送李一源 秉淵 出宰花江仍申楓嶽之約

謹次佚老堂壽席題示韻用申未赴之忱

疊堂字韻和伯氏

隔宵悵悵又疊堂字韻伏呈伯氏

還山次伯氏韻 二首

伏次伯氏下投廬字韻 二首

用廬字韻題贈彥姪俾作別後顏面

文洞書室卜夜留題 三首

還山漫興

早發楊根邑底

早發三亭浦霧雨未開

秋稼

將抵萬宜驛馬煩未達寄宿健嶺村舍 二首

曉發

萬宜驛

寒溪主人姜善一遷居江陵廿年而後返復營

新屋于路左寄宿叙款

谷口新屋經夜二首

和沈孫寄來韻用寓遐意

自雪嶽精舍發向楓嶽

龍山

歛莎谷

純甲村秣馬

長安東邊疊嶂奇拔問知為金藏谷也

石橋

夜宿北寮與妙香僧圓照聯榻

靈源洞

靈源菴

表訓寺

正陽寺二首

有期不至

屬士敬

真佛菴

船菴

將尋須彌臺與智益致雄二上人沿溪捫蘿往
往迷路隨處卓錫而談玄

須彌臺

萬瀑洞

普德窟

碧霞潭

獅子巖

摩訶衍

中白雲

花江守李一源追到卜夜于菴中次農巖集韻

登毗盧絕頂 三首

第一

下山

佛地菴與一源聯枕

晨起步月與一源同賦

與一源分袂向外山

隱身臺

榆岾寺 二首

彌勒峰

中內源 二首

觀日出

望海

自鉢淵向新溪

早起尋瀑 二首

瀑布 三首

歸到玉流石上息疲仍設午炊

靜觀齋遷葬挽 三首

哭姪女趙氏婦 四首

麟蹄族兄 盛大挽二首

送朴衡聖 權赴燕五首

偶與明行諸人尋水聲洞漫吟屬同遊和之

瀑布

講易吟示士敬

德以生日其胤設壽樽見邀與士敬諸君赴仍

卜夜同賦長篇

玉杯歌

鞍峴歌

玉洞愴懷 三首

栗北村示純行

贈元雲瑞 海翼

食雉戲吟示純行李德載

綠水亭吟贈李季祥

望海

自鉢淵向新溪

早起尋瀑 二首

瀑布 三首

歸到玉流石上息疲仍設午炊

靜觀齋遷葬挽 三首

哭姪女趙氏婦 四首

麟蹄族兄 盛大挽二首

送朴衡聖 權赴燕五首

偶與明行諸人尋水聲洞漫吟屬同遊和之

講易吟示士敬

德以生日其胤設壽樽見邀與士敬諸君赴仍

卜夜同賦長篇

玉杯歌

鞍峴歌

玉洞愴懷 三首

栗北村示純行

贈元雲瑞 海翼

食雉戲吟示純行李德載

綠水亭吟贈李季祥

柳高城

成運挽三首

卷二

騎牛歌

三淵集卷之九

詩

魚童子道凝挽

己丑

萋萋碧梧樹布柯駱山臯
雛雛鳳一雛脫拖耀九苞
祥翎相刷拂何嘗拙護巢
風吹孫枝折零落金翠毛
丹青莽寥闊目極但哀號
空軒掩秋色朗朗靜月高

其二

嗣德玉有種朗潤美無度
圭璋也非願含彩羞騰露
斯文冶長厄桂林為惡趣
青紫取捨分長老議交互
寧為櫝中老誓不泥中污
那聞七齡見出此高世語



清資故潔志濁界豈剩住英英歛真氣逝矣瑤之圃

其三

嗟爾棄幼志久矣三加前嘉名出中庸賢父所講研
洋洋育萬物優優禮三千遐祈道爲大並祝耆齡年
作說擬墻屋騰賀阻山川嗚呼未幾見總帷弁有懸
撫此我腸斷零淚滿柩邊

其四

仁宜百身贖死比千殤酷存沒父子間恐說兩隔塞
天地淑氣瀉間值知數局豈弟亦神勞爾翁胡乃獨
當由三洲統事同哭阿岳吾黨一氣運偏遭此不淑

命窮不待較理遣尚可學貞曜早入夢天也可停哭

吳履周挽

仁而無壽理蒼茫棹楔門閭又雪霜周甲初資游氣
勁克家咸冀俊民章白門萎絕滋蘭畹赤縣嗟我瘞
玉岡孀婦腹中忠孝種諸兄收淚候嗶嗶

送鄭宗之出宰蔚山

蔚山猶接峴山緣一色滄溟几案前須喚開雲老僊
起遙揮舞袖引三淵

其二

愬愬解手洛城中君馬南時我馬東中半月松亭上

會架虛僊約寄秋風

石潭六曲次朱子武夷棹歌韻

棹歌韻尤翁所嘗分屬於同志

而未就者門下諸公繼託於公故有此和述

六曲煙磯浸綠灣一竿隨意出松關從容坐到潭心
月魚躍人歌上下閑

麟蹄途中

今年又復到麟蹄初夏新晴草色齊綠樹鶯啼江左
右青嵐馬度石高低不知身世渾圖畫偶觸風光輒
品題表裏寒溪新舊隱結巢常欲近丹梯

其二

還山佳意雨新收吟望遠淡靄留隱隱鳩鳴猶覺
遠寥寥犬吠不妨幽斫開綠藪燒畚遍春過黃梁水
碓休明日曲淵勞應接未能無事亦閒愁

永矢菴得心字

天寒小雪逼雪山氣蕭森夫何白雨作洒落松桂林
雲從大嶺來合為四山陰板屋且高卧簷鈴亦好音
鴻濛視戶庭煙靄寄枕衾可知所處高塵世隔幾岑
無已太閔寂二子偶相尋懽言開講評諧若奏瑟琴
紙牕引虛白燈花照孤襟濂翁有圖書洞然天地心
迢迢蓮花峰紺寒一源深巖泉此不乏妙契庶在今

得冬字

高樓占霽候，蟠竦挂遠松。寒溪水欲落，歸哉瀨下龍。
吾思嚮晦息，閉戶堅其封。蒼櫟備夕烘，黃梁繼晨春。
頭邊濂洛書，撫可了殘冬。喚醒不可無，隣寺或疎鐘。
雪深雖萬丈，高於朝元峰。堅坐奈吾何，已斷塵世蹤。
論境實苦淡，語樂却深濃。願子毋遽歸，難得此從容。

暮登東臺

新霽暮山紫，照曜我東臺。長嘯一徙倚，神情出九垓。
溪流白龍跳，吼作萬壑雷。東南金芙蓉，鳳頂亦崔嵬。
如睹姑射僊，晚顏向人開。高風吹榭葉，雨散仍徘徊。

巾袂與飛動，白雲冉冉來。望望採薇岡，清寒安在哉。

蒼然暮色至，恐惹樂中哀。山中有梅月堂故居

雨中呼韻

雨足森森度，遠松雲披露。却兩三峰書樓，四面溪聲
合碧寺。虛傳日暮鐘。

得理字

去年精舍燬，今年精舍起。移步只數曲，勝劣不可比。
深荷岳靈意，默想有料理。寧無土木勞，允獲斯干喜。
霜天始斷手，以我几席徙。巡院且散步，上樓復頻倚。
面勢既云敞，風氣知所止。開雲廣園圃，繞屋秀葛藟。

長溪宛環匝好峰儼玉峙東臺挹鳳頂不勞理杖屣
平生禽尚癖溟岳亦遍履品題無全勝楓岳姑捨是
真同旅遊人於今返鄉里有味廬山記心期白居易
願愜夫何爲黃髮已暮齒應將一部易研究老於此

得菴字

吾生苦無樂於世百不堪投老雪山中成是永矢菴
膏肓實煙霞契會卽巖潭偃仰斯得宜孤寂固所甘
園池紆規畫選幽猶耽耽藏書有小樓虛牖萬象涵
佳名高明岵玉峰儼來叅層城與閱風品題較二三
悠然或支頤浮念寄輕嵐彤雲凝欲霰灑氣著松楠

挹彼沆瀣精塵胸與吐含顧已實菲薄清享詎無慚
嗟我仁智伴玄對莫閒談

東溪松杉之間有玄巖特起俯臨兩潭余往遊
忘返遂名以蔭飲臺潭曰樂飢

松杉千萬本綠潭下縈洄奇巖峙其傍俯仰堪徘徊
吾欲取楚辭名以蔭飲臺清流弄可悅洋洋有味哉
河魴與齊姜對此念已灰何試陸羽茶不汎蘭亭杯
淡然却充腸日覺清虛來簞瓢不改樂孔聖許顏回
高山庶可企迷途詎不哀斯潭亦吾師親近每忘廻

山雨連宵枕上感興

三淵集
溪喧兼落木月黑竟虛樓幽晦山多雨蕭騷我欲愁
惜年年益急望道道逾悠輾轉長宵半西方骨肉留

其二

雨自何峰至溪添一夜流松梢鳴始急板閣響仍留
僊尉應難到京書不可收誰知山鬼意歲暮亦離憂

雪後登北樓延矚

巖構始開基造意結高樓所欲驅羣嶺呈奇簷檻頭
樓成果超然平挹灝氣浮扶輿蓬萊脉北來奇峰稠
雲開明玕森日射爛銀流皎然一夜雪色相本來侔
誰能辨兩白但自眩雙眸令人坐瑤圃若追重華遊

弄丸有餘玩神透月窟幽松杉儻晚飈翠蒼露中丘
冰輕碧澗瀉鏗如聽鳴球變幻豈一態陰晴亦互道
樓居有受用皓首其夷猶

十一夜雪後見月

幽澗未合凍嶺雪來何早見曉半蒼山高岵猶皓皓
月上朝元峰樓影漾澄灝虛明連沆瀣數星點晴昊
朗詠不能寐孤清耿懷抱山中幽蘭操儷曲亦云好
陳編束高閣久矣未研討融心夜氣旨於此庶求道
多事山陰客來往亦顛倒

雪後卽事

昨日屋上雪嗟我數尺厚忽為簷溜滴瀉向前溪走
山容呈遠翠日彩漾虛牖靜玩捻天機逢源或左右
晨昏茶飯畢庭院間何有風來散書帙雲度潤井臼
樓下磨器雙軋軋不輟手我實愛其勤欲慰無斗酒
吾徒豈容怠勉學宜鞭後

送春行出山

明月共積雪皎皎雪山岑月明有往來雪積無古今
窮陰為我節獨棲抱苦心熊羆既深蟄薜荔但空林
君來扣寂寞驚我以梵音笑拂衣上塵興逸丘中琴
低徊入我室講評在鈎深意協一味淡神融萬理森

登樓復清眺鳴玉動高吟我山與洋水雪月洗素襟
俄然見離合豈以異浮沉壺中自別天移步即商參
樵柯易千日漁舟迷再尋存期有無間別騎逝駸駸
惆悵掩蕙帳誰同石上衾歸去十字橋莫忘此光陰

雪山索居中聞道以

族姪時佐

作遊清平不覺

神情飛動輒吟二絕以要和

清平尋瀑小青驢洗拂神情積瘁餘更就息菴圖永
久白雲深處好藏書

其二

吾道雖真偽學多晦翁曾亦美頭陀君看僊洞啖松

三淵集
者千額儒巾豈趕他

遠承伯氏病未離牀不堪憂戀之悰吟成一律
仰呈座下

已謂離牀久猶聞恃杖行深知君子病益軫弟兄情
書越雲峰少陽從雪壑生晨余頻嚶吟半是鶴鷓鳴

峴山三十詠和李使君子東

峩峩太始白寒暑豈歇時海日莫銷鑠紅雲發神奇
僊尉郡城西吟望每支頤瑤臺數千點飄酒白接羅

右雪嶽晴光

五臺我蟠豕滄浪漾海口澄爲謝朓練絲是李白酒

蘭舟橫碧落能詩漢東守不枉玻璃色方許醉十斗

右漢水春波

迢迢梨花臺咫尺珊瑚枝紅盆與金柱指點每於斯
賓王鷲嶺後誰爲觀海詩若問天外事瞿曇亦不知

右洛伽觀日

夫何有不平訇哮殷晴空窈窕知所自倏見洪濤風
箕月豈待占山澤本相通於焉了物我回次理何窮

右天吼聞風

捨爾幻化身求佛勝妙像靈珠落念頭慈竹生頂上
浮屠事多幻舟壑迹已往青鳥去無影極目雲濤廣

右義相異蹟

圓通千眼佛住處香海廻楊枝洒甘露衆生仰灌頂
神像玉琢成中含寶月炯辛勤獻花徒靈迹與之並

右觀音神像

嵌空巨崖广周遭壇宇分高僧安一龕趺坐著苔紋
門前達摩尊奉以名香焚爐煙冉冉去飛逐雪嶺雲

右繼祖幽窟

瓊臺俯金潭石扇排青嶂融峙備衆妙豈惟勢奇壯
名山蠟屐遍始愜丹丘想欲落金剛巖驚吁更拄杖

右飛僊層潭

雲根數十雉帶縈尚餘址茫昧蠻觸世有無權金氏
成壞空木石憑據竟鹿豕安危莽難平長嘯撫殘壘

右權金殘堞

風雲希世士觀海亦東走同臨此臺上有何講畫否
巖排鬼魅立浪輸鯨蛟吼乾坤此無倪寄名偶不朽

右河趙空臺

千年自小山萬里來好月來夜非去夜寧不感存沒
長懷緩帶風却顧墮淚碣羣僊不可問把杯晒霜髮

右峴首待月

爛漫桃李縣何似武陵川穿林皂蓋往更聞有可憐

巖葩一種春臨水弄嬋娟貪看潭底紅不覺石上眠

右春巖賞花

靈嶽所抽枝片片皆孱顏遙割楚天碧結爲小巫山
雲飛若有情雨暗失翠鬟猶疑曉猿聲隱約楓林間

右巫山雲雨

郡西半莽蒼望中桑柘繁漠漠自生煙曖曖相望村
知有耕耘樂妻子以安存可知劉荊州長嘆謝鹿門

右鹿門煙樹

白雲最深處遍地生靈草採來紫莖柔名佳味亦好
三秀自九歌千古有四皓浩歌理餘韻欣慨滿孤抱

右芝山三秀

芳池可採蓴瀲灩海之許抽莖萬縷銀入喉三危露
風雅鳧葵興氣味鱸魚偶誰能知此味一嘗解塵組

右蓴池百頃

清軒捨孤琴庭納兩部鼓思廣百里聽震蕩及水府
樓高八風會天闊羣僊舞鯨波助轟鬧海月亦吞吐

右太平歌管

阿明碧松宅儼然棟宇崇颯颯神靈雨多自翠旗東
牲幣孚貯饗寧容吏惰躬漁舶交海中毋使起盲風

右海廟香火

三淵集
天地兩片磨化翁不輟手圓機無大小海滄亦凹臼
磨窮海爲陸有形孰不朽借問麻姑僊亦解此理否

右竹島僊臼

潛龍變化熟在淵若在田存身有餘力耕罷冰腹堅
犁痕隨闊狹湖岸占來年炎天又行雨龍兮幾時眠

右草湖龍耕

祥雲驛路平夾路萬松整種應自徂徠韻若通茅嶺
炎塵幾人暘密陰反冬冷更思笙鶴夕携月步虛靜

右祥雲松林

何處入春早大堤冶遊途堤上鬱金枝婀娜拂晴湖

山公不獨醉歌管士女俱歸從習家池柳岸繫青駒

右大堤楊柳

鳳頂迥出世飛臺萬人石東指扶桑赤北挹蓬萊白
洪荒蟻著崖繫舟猶有迹雲間起孤塔不知何佛力

右鳳頂孤塔

頭陀日弘覺不知何道者梅月亦好奇石面賁傳寫
瘞鶴筆意活換鵝風流假如何劫未灰斷竹荒林下

東峯爲弘覺立碑集
右軍筆蹟而刻之云

右沙林斷碑

西山早燒餘一雨綠薇生持筐于以採紛吾愛其名

三淵集
誰云此味苦可勵丈夫貞願迴腥腐腸稍存巖岫情

右西嶺採蕨

北津鱗介湊習習比千船鯨蝦舉波蕩登俎用魴鯉
蘆人惟羽褐官厨但擇鮮春秋譏矢棠勿復樂流連

右北津觀魚

祥光九峰下秋色老忍草何緣酌冷泉有美刈紅稻
須知色是空淨染不二道觀音豈摩登羅什還曉老

古傳元曉遇一女刈稻于此地
與之相戲蓋觀音現女身云

右冷泉故居

東峰雲遊迹大抵盡窮林孤瞻雪嶽邇遍搜黔谷深

漁樵五歲喚冰月萬古心要之採薇徒石潭亦知音

右黔洞荒墟

物大有可觀海外無復水堂高稱宏量灝氣納萬里
乾坤露根柢日月見端始還疑巨鰲脊卽此軒檻是

右灝堂望海

神僧所卓錫風氣團妙有峰廻隨鶴止泉涌經虎吼
東齋貝葉書扣玄來太守能爲彭澤高遠公不病酒

右靈穴尋僧

峴山僊尉穿歷雪嶺枉臨于百淵巖樓板閣秉
燭山月亦佳酒闌興劇輒題一律以要和

新塗板屋獨淹留，皂蓋來穿雪壑幽。自有此山誰秉燭，偶然明月又盈樓。潭潭雲壁張屏近，隱隱風湍度曲悠。梧葉桂花詩景索，丘丹何以待蘇州。

永矢菴春帖 庚寅

髮白心愈活，形枯道益肥。安危山外事，長掩碧雲扉。

江陵烏竹軒 栗谷所生地

遺軒丹雘儼昭嶢，庭籜生孫翠不凋。間氣玄龍初出海，斯文瑞鳳已藏霄。須知夫子時來去，只係偏邦運長消。信是炳靈爲境別，八牕收納鏡湖遙。一作通

其二

儒賢所出大瀛濱，故老相傳孟氏隣。是母真能生是子，斯文何幸有斯人。伊吾竹裏研經夕，匍匐祠前禱疾晨。几閣猶留要訣草，試看心畫捨精神。

雲根亭成乘春騁望題示權大叔 益隆明府

使君神化挾風霆，槌碎前規侈澗亭。東面開基誇海若，西峰斲骨泣山靈。瓊樓八柱分空立，蜃閣千甍抗勢停。從此笙歌疲應接，四僊諸客迭憑櫺。

其二

簷檻前後互開顏，軒豁端倪卽此間。且置東臨無底谷，試看西挹萬重山。煙霞窟宅分蒼嶺，雪瀑源流散

三泚集
綠灣伊軋麻船新月下嶼鷗汀鶴作雙還

僊源先生楓溪影堂

盥漱寒溪謁影堂池東初日射雕樑清高當座真如在凜肅趨前未覺忙光嶽降精瞻部位陽和裏面蘊冰霜張公撰德丹青並拈出剛方善闡揚

石郊彥姪家病淹三四日畱題

大阮何如小阮狂頽然一室與同牀垂簾返視玄花散高枕吞津華蓋涼野外松溪分井澮籬西蓮嶽出槐桑浮生去住隨緣耳萬事無常對北邙

彥方調眼余亦患肺

故頷聯云

送趙定而之任羅州

南方卑濕足愁人北里蕭條又送君只爲殘年難飽飯每當離別各傷神

其二

雄州萬務若琴繩晝案埋頭夜燭仍縱有龔黃都瞋睡寤軒於此獨專能

其三

田園晝掩檠溪邊紅藥紛披白雨懸却似香山孤卧夕惜君鳧舄下漁川

詠屏畫

三淵集
松風吹石牀茶竈小童傍高哦知與會飛瀑挂雲長

其二

驟遲人亦醉溪路柳邊遙蒼茫將落景不省度危橋

其三

漠漠青林濕濃濃白雨霏霑來蓑笠重雙把釣竿歸

其四

煙水維舟夕涼風在葦磯月高橫吹發童子弄澄輝

其五

草閣臨秋水疎松復檻前虛舟橫自在白鷺立悠然

其六

雙帆千里勢闊浦際遙空斜飛鴻過渚一意得秋風

其七

雪裏埋香岸騎驢任所之真成閒往返孤興有誰知

其八

微茫雪盈舸高下鶴隨人皎然吟望久墊却浩然巾

浩然一作白綸

安叅議屋挽

文成講樹古澤老畫獅傳詩禮源流會鴻厓氣味專
難諧柅蠟俗未展笏簪年寬樂夫何憾全真以返天

其二

平生腹爲笥一部石潭書訓子斯爲要逢人只若虛
金華違顧問鳳閣失吹噓末世多皮相深嗟獨在余

散步籬外偶吟

獨此疎籬外炎蒸盡日無平臯忽超遠暝色亦斯須
露草停鋤圃煙橋倦騎途繁蟬啼我側漫詠與之俱

送李一源

秉淵

出宰花江仍申楓岳之約

楓岳山之傑花江吏是僊煙霞通性氣翰墨赴因緣
老子思聯屐洪厓擬拍肩清秋攀桂約月到正陽圓
謹次佚老堂壽席題示韻用申未赴之忱

憂隨老炎退喜氣滿秋堂見免西河杖賓稱北斗觴

笙歌清洞開簾幕弼雲涼坐作僊家想愈令詠蹈長

疊堂字韻和伯氏

颼颼梧竹響觀雨坐深堂自是憂如海微無酒滿觴
是非塵界鬧今古雪山涼斷續連床日臨行百感長
隔宵悵悵又疊堂字韻伏呈伯氏

終南卧寥落回首六青堂錯莫斯干築稀疎儂爾觴
千途饒險坦一氣驟炎涼尚擬黃花節東甯醉夢長

尚嶽一作待者

還山次伯氏韻

世途險過百牢關巖處寧無獨寐閒堪羨何家大小

三淵集
隱白頭相守碧雲間

其二

水簾十二雲爲關僧不常留一塔閒誰識鳳凰池上
老廿年蝴蝶戲其間

伏次伯氏下投廬字韻

樹屋初心晚結廬嗒焉身世死灰如煙霞窟邃猶嫌
淺猿鳥盟堅敢作疎王績有兄時命駕希夷還隱只
携書西遊春草今淒綠恐後崖熊已定居

其二

世事駸駸到剝廬遲回京輦果何如龍歸大澤存身

密鴻入高雲與侶疎始願何家成並隱寧論郭氏考
中書鳳臺飛蝶留僂債可但楊山夢卜居

夢一作驗

用廬字韻題贈彥姪俾作別後顏面

斯千爾自愛新廬高枕居然我屋如露下芋畦連井
潤雨中匏蔓著籬疎商量運氣篝燈話劈畫興下汗
竹書却恐世氛來疊疊勸移莞簟白雲居

文洞書室卜夜留題

匏花籬落偃松門碧澗潺湲向客喧垂老閒情憐宿
迹隔年燈火湛華軒

其二

嶺雲微缺月臨門蟲語雜聲亦一喧百日聞鐘城闕裏不如今夜宿君軒

其三

終宵不掩澗邊門兒女更深暫息喧欲話百淵真意味待看山月到幽軒

還山漫興

斑鬢飄蕭白露天乍離城闕得歸田石灘聒聒經多雨蘿月娟娟向上弦嘆世五噫非古事逢秋九辯又新篇龍泉老氣猶衝斗携去韜光在百淵
早發楊根邑底

卧聞孤縣角寥亮五更天雲岫佛鐘後月溪漁唱前隨時催僕馭卽色辨山川此路難磨盡征鞍二十年
早發三亭浦霧雨未開

未料麟蹄雨先愁馬嶺陰雲霾穿萬峽露裛歷千林隱現僮隨後蒼茫鳥送吟小心千仞磴踰此始駸駸

秋稼

青黃交野色萬寶揜含真豆子繁如芡禾身茁過人農談錯虛實邑俗半澆淳獨有秋山面呈姿著處新
將抵萬宜驛馬煩未達寄宿健嶺村舍

追煙猶遠驛借榻卽崇岡龍洞斯通逕麟蹄始入疆

三洲集
芻其吾馬飽燈燭主人良欲設重過約誅求且遠藏

其二

松扉垂欲閉星漢半山光露草蛩吟細風林虎吼長
居夔爾生理入蜀我文章偶坐徂清夜霏微雨入床

曉發

五更方缺月巖磴苦回斜黑是松楠影白應蕎麥花
寂寥歸洞虎蕭颯背林鴉北嶮留孤火誰家早績麻

萬宜驛

關情臨水驛風氣此團圓黍稻紛秋稼漁樵會晚船
筐梨主翁笑芻酒僕夫顛欲置三間屋還山用息肩

寒溪主人姜善一遷居江陵廿年而後返復營
新屋于路左寄宿叙歎

馬首寒溪口來投舊主人中年別何闊一味愛其真
粟飯松芝炙泥炕麥稈茵燃薪長短話皓首作山隣

谷口新屋經夜

寥落來高卧秋山但白雲牕邊若人語篔上細泉聞
了自存心賞于何覓世紛丹丘猶是內夢逐羽人羣

其二

嗟我還山夕夫何感興長巖阿生素籟板屋下微霜
已爛青楓葉難畱碧蕙芳寧愁寄衣晚自有薜蘿裳

和沈孫寄來韻用寓遐意

看取房蜂與殼蝸此身那得老無家碧雲深處樓居
好惠好詩成更發嗟

自雪岳精舍發向楓嶽

雪岳奇無敵蓬山德不孤高低存妙賞表裏管僊區
整翮霜颺以邀朋海月俱終須恣跌蕩歸養浩然吾

龍山

龍山麟峽頂民物與雲深自有高寒樂仍存淳朴心
星河垂板屋杵碓隱杉林永夜溪邊枕如聆太古音
簌莎谷

蓬萊已氣脉夾路盡楓崖立馬橋頻斷看山雨欲羶
桑麻民自適松石境仍佳似出山陰道深秋可作懷

純甲村秣馬

不向長楊去徑尋純甲來忙心取山近狹逕喜林開
餐有松芝馥茵因榭葉堆癡思鸞鶴馭村騎借還廻
長安東邊疊嶂奇拔曾所未覩問知爲金藏谷
也

奇挺金藏別峰峰拔地長霜空森劔戟晴旭儼圭璋
不覺疲軀立真令老興狂停鞍欲趨拜無乃米元章

石橋

三浦集
僊山違面久始覩石橋奇截雨虹千尺凌河月半規
溪流增響亮雲影送逶迤自此丹丘近喬松爾是誰
夜宿北寮與妙香僧圓照聯榻

蒼赤千峰影諸菴送夕陽清仍四更月爽合半庭霜
擊拂留高釋連牀說妙香應催石梁步仍與羽人翔

靈源洞

杖及靈源口縈雲一逕幽何妨紅葉脫愈覺素峰稠
百塔藏何處千潭捨下流迷津春暖曖寥朗喜逢秋

靈源菴

空菴來習靜獨卧掩禪扉院晏槽泉滴簷風榭葉飛

嗒焉誰與偶澹爾欲無歸半路逢寒拾松茶慰我饑

表訓寺

三樓山影號表訓壯中間萬玉崢嶸圍羣僊出入關
雲棲胎鶴穴雷吼闢龍灣栗老長篇在紗籠四壁環

正陽寺

圓臺舒嘯坐飛躍萬峰稠皓露金莖擢蒼雲玉筍抽
有心真宰設爲宅列僊留未易畱歌詠低徊桂月秋

其二

東北扶輿積雲根到巨溟三韓專淑氣五嶽掩真形
赤日含霜電玄宵駐月星坐令夷夏仰頂禮向青冥

三浦集
有期不至

千峰悄欲響鐘動正陽樓落木僧歸定高雲客與留
我洋琴寂寂城闕月悠悠偃蹇憑叢桂幽期竟晚愁
屬士敬

僊山賞楓伴楓落憶楓溪澗赤令人醉崖斑著處迷
盟寒空桂月迹阻但雲梯獨發天壇嘯喬松許共携

真佛菴

真佛無雙界高巖縹氣凝雲迎尋瀑客橋斷食松僧
篆甃填紅葉璇題蔓紫藤莊嚴知所創緬矣自
光陵

船菴

船菴舊二宿瀟灑結清緣翠栢爐香外紅泉盥漱前
冥棲稀鳥語閒立值熊懸一逕穿伽葉巖姿箇箇僊
將尋須彌臺與智益致雄二上人沿溪捫蘿往
往迷路隨處卓錫而談玄

須彌臺

短栢蟠如簣溪行踏翠長微風韻崖谷晚露裛巾裳
憇石看拈頌逢泉試漉囊朋遊嫌太鬧支許喜相將
豁訝洞天小中自納須彌佛塔重瑤級僊杵累玉基
清真挹姑射瓌富閱波斯半日穿蘿密忘疲始賭奇

萬瀑洞

潛躍龍無首高低瀑有源噓為雲淅淅衛以石蹲蹲
蓬老銀鈎絡芭翁赤鳥痕陽阿晞我髮下有洗頭盆

普德窟

銅柱青霞杪扶顛鐵鎖聯地無金可布室與磬俱懸
勢邈鷗翔逮功齊蜃構圓浮屠信多幻普德定何禪

碧霞潭

山莫尊楓岳潭惟數碧霞天光無畝步石面欠鎔磨
幸有香城蘸方將錦樹遮吾家水簾在意慙向誰誇

獅子巖

獅子蹲堪畏威神亦大哉低垂石鷹翮沈寂火龍雷
百魅眠時伏千崖吼後摧紛紜俗士駕胡不喝教迴

摩訶衍

森聳峰如衛泓崢境若空水窮雲滿院僧定客依楓
斫桂憎吳質開巖晒謝公深知永郎意未欲世人通

中白雲

白雲棲有處蘭若即其中鐵鎖僧攀少花龕佛坐崇
幡飄石壇月鐘落海松風欲把楞伽入長教八識空

花江守李一源追到卜夜于菴中次農巖集韻

浩劫曇無竭跏趺絕巘頭蓮花開界別桂樹護龕幽

三淵集
官燭來清夜禪扉敞素秋高哦憑萬瀑天籟與颼颼
登毘盧絕頂

吾遊於是始秋日上毘盧寥廓天何有崢嶸地已無
圓歸黃鵠睹闊入大鵬圖敢謂朝鮮小蜉蝣笑此軀
其二

剛風隨健步兩腋欲翩翩滅沒雲鳶失空濛野馬旋
煙沈州九點萍漾界三千却怪滄溟逼鯨跳只膝邊
其三

度壑經丘了方躋卓卓巍堪輿一團視嶽瀆萬殊歸
有術登觀妙其知局促非吾人自氣象不學御風飛

下山

夙抱煙霞癖沈淹到白頭輕便許掾愧老疾少文愁
費夢惟斯境孤遊偶及秋毗盧第一賞其可再爲不
佛地菴與一源聯枕

返我毗盧策從君佛地菴蕭然委鳧鳥聞爾託禪龕
紫菊搖空色蒼杉挂暮嵐孤光天罅拆遙與佛燈叅
晨起步月與一源同賦

繁星稍掩緝微白暈西岑不覺驚推枕相將步繞林
香城來灝氣幽桂散澄陰何必正陽夜圓光諧賞心
與一源分袂向外山

三淵集
萬瀑源流在雙輿立水頭吾人斯合散茲地每清幽
蘿月娟娟曉楓霜浙浙秋短橋愁獨過風袂帶林颺
隱身臺

削鐵霜崖匝垂綃雪瀑長
參風滿腋拍拍海吹裳
鶴馭瞻遐舉蛙墟愧大方
仍思折若木拂日以相羊

榆岾寺

西方知樂土諸佛怪東來
恍惚石航度微茫榆岾開
龍移淵涌塔鳥去井舍苔
閔漬何爲者盧春果有哉

其二

山雄風氣會象設據穹林
雲確輸糧遠虹橋引客深

樓清無赤日圍敞費黃金
萬折曹溪派遲徊走海心

彌勒峰

玉立亭亭幹遙瞻倚太清
可憎彌勒號合易列僊名
沆瀣冰留面扶桑日射精
天荒不偃僂泡視幾浮生

中內源

木石俱蒼瘦空菴淡景斜
雲應守厨臼風自拂袈裟
泯絕初無我淹遲已是家
高牕收闊海閃閃浪生花

其二

寂寂研松臼青青綴栢藩
曾聞有微逕可以達靈源
興逐高雲往心將落照翻
春來採芝計潛與谷神論

觀日出

半枕香爐夢推牕日涌溟迢迢賓駕轉漾漾浴盆停
紫合楓林壁青搖栢樹庭蛟涎與鯨吸曾厭洛山腥
望海

沉澆何崖壁滄溟向我來身疲欲流憇意遠遂徘徊
此岸無潮怪他年見底哀不知鰲脊上終作蟻旋廻

自鉢淵向新溪

沙彌携滿路欵段乞諸村換面山如舞藏濤海亦喧
氣因尋瀑銳神以望雲翻暝色蒼然至尋鐘到寺門
早起尋瀑

九龍眠起否星漢曙蒼蒼理屐吾將動撞鐘僧亦忙
霜濃添壁滑風勁挂繩妨畢竟源頭瀑天紳幾許長

其二

蒲谷風颭颭驚淙上薜衣潭連陰畧伏峰競瑞禽飛
險絕容心小瓌奇閱眼稀青鞋破何惜僊賞苟無違
瀑布

其二

傑壁叅雲漢飛流墮香茫噴從龍吭出跳作鷺身翔
落地淵爲鉢畱人石作牀無緣乘漲至崖滑致身妨
赤縣惟廬岳青丘亦朴淵近應三舍避遙並九天懸

雪霽松風散虹蜺海日穿翩躚俱上下堪美羽衣僊

其三

震疊崖將什春撞壑欲穿賞心於是快神設亦云全
弱魄摧仍厲塵巾濯已鮮芭翁留大刻蟠屈毒龍前
歸到玉流石上息疲仍設午炊

三四僧扶屐千層繙送身同欣踰絕險獨欲弄澄淪
卧石圓開局馳湍闊拖紳松根吹籥火飯味亦清真
靜觀齋遷葬挽

回薄天時速玄微地理難青鳥三考卜白日再衣冠
是受先人祉方成萬歲安池臺尚餘戀旌翼欲盤桓

其二

山丘四旬二公壽與之如草草年何短堂堂志有餘
雲雷嗟蘊抱水月想澄虛小子今衰晚從誰講易書

其三

太極亭前拊吾兄有祭文今焉共長夜幾箇會新墳
白幕駒城雪丹旌兎院雲蕭條大連後攀紼未成羣
哭姪女趙氏婦

嗟爾在髫鬢白雲山下居青蘿補茅屋紫鳳倒衣裾
奄失如天恃長啼若漆廬于歸眉可展年短竟何如

其二

三游集
背郭新堂靚雙飛賀燕低終同逆旅謝徒使里人啼
殺節冰疑雷深宵月暖聞潘韋從古恨於此倍悽悽

其二

爾哭阿兄沒深憂乃父傷云胡終孝誓終作比年亡
北里崇桃炫東溪籜竹蒼歸寧森宿迹何處不摧腸

其四

就木初何遽歸山只在今存亡俱促景天地又窮陰
雪暗銘旌字風喑輓鐸音鴿原一體慟送以斷猿吟

麟蹄族兄盛大挽

寒雪千峰去思存一廛耕鑿弟銜恩黃梁稅減通煙

火白板軒開卧石門書帶華蟲來數數春隨皂蓋興
源源從今勿剪臨溪樹淚落年年著酒痕

其二

歸自山阿便樞前失聲惟有淚如泉卽知泡幻猶居
世可把升沈更問天花樹今稀躋右席松楸無隙拓
新阡人琴寥落三洲冷忍送靈車過斗川

送朴衡聖權赴燕

涓水逶迤別思紆風流往迹滿征途星軺到日難延
賞不似蘭橈下石湖

其二

三淵集
青驪買後幾秋風虛擬蓬萊杖屨同千尺巫閭山下
雪也應停轡憶關東

其三

金縉事役齒生酸綱紀俱頽更路難蘇武何嘗失旄
節富公要有烈心肝

其四

悠悠天醉幾時醒六十餘暮屢會星四海安危皇極
殿三韓疆場統軍亭

其五

驢鳴狗吠幽燕市蠶縷牛毛楚越儒暗覺星文動奎

壁老生延喘願須臾

偶與明行諸人尋水聲洞漫吟屬同遊和之

冰溪寂歷雪崢嶸玉洞名猶帶水聲闔草折花皆往
迹白頭來伴少年行

講易吟示士敬

昨夜水聲洞今日城南社高哦微醺冰雪中天機與
之俱上下聞君讀易已鼓舞欲把韋編作講話須知
圖書是筌蹄天馬何異賣兔者眼中無物不是卦畫
前有易會者寡頭頭三十六宮春滿目氤氳不盈把
伏羲頂上須去來邵翁脚下休徘徊若推明年何處

三淵集
雷君其問諸南枝梅

德以生日其胤設壽樽見邀與士敬諸君赴仍

卜夜同賦長篇

晚世又窮冬墟里日蕭瑟眼前楓溪水川與世相閱
松之垂老女蘿結雪之初落素霞密我懷百感易損
神翠叟堂中會同人同人于宗豈吝道凡今之人莫
我親堂中有酒酒如澠知爾懸弧卽此辰童時蔥竹
爾後曹倏焉五十今霜毛病後衾枕脫蟬殼興來筆
硯翻鯨濤詩歌同癖士敬至康樂爲昆惠連季楓溪
分韻自舊令鰲島傳筒亦述事前有樽酒可以賦賓

玉千金萬年意南臺北萊亦尋常白雪幽蘭可侑觴
玄郎婉愉睟玉面豈惟禮貌先生饌斑斕之衣在舞
筵好逐瑤臺雪花翩喜氣盈堂復充宇藹然未覺爲
臘天須知難朽是此樂何論分飛有一夕遮莫西峙
與東逝作詩年年寄遙祝

玉杯歌

玉杯玉杯何處得出自守夢先生宅先生質美稱席
珍溫潤肉好可比德傳之宅相凡再轉玄元襟懷亦
抱白十襲爲藉謹付受誇示諸賓舞綵夕歛灑深樽
斟酌餘人散軒靜二更燭剪燭吾始仔細看不覺斂

三淵集
衽仍拭目瑟然徑寸蘊諸美胸藏真白肌猶綠藍田
煖煙生雪夜黯黯虹光射高屋水晶琉璃豈不奇猶
有浮暉與閃色所以君子有取舍特薦祀壇或賓席
却思卞和未剖時塊然只是崑山璞良工琢磨功亦
密先以椎鑿後沙石莫恃良質忽自修玄元玄元爾
珍惜

鞍峴歌

鄭錦南真英雄骨聳精緊萬人中氣候分明朱義封
胸襟沈靜王司空亦有春秋癖經緯六韜三略通平
生知遇李鰲城一時服事張玉城關西督府載草草

半繕營壘未鍊兵蜂目將軍舉事速卒銳久已輕朝
廷長驅萬騎蔽天塵前茅青衣數千人薩水猪難一
勢潰百官跣足千乘奔元戎左次但袖手 王在賊
前我在後將軍於此試鷹騰左提右挈南以興決機
先唱據北山牙旗高挿雲之間蜂攢蟻集仰萬弩風
自西來鼓天怒漢城千街屋瓦震弼雲三面颺沙舞
亂砲之下賊無餘龍衣褰血禾川滸凱鼓淵淵鐘篴
完翠華徐渡錦水還道左匍匐庶人服功高心小
王乃嘆漢水如帶昂岳礪白馬朱血登銅盤敦義門
南畫戟豎鐵券所藏遺棟宇功在山河不可泯屋如

三淵集
傳舍幾易主雪天鞍馬小儒過軒前鞍峴猶嗟我到
今國活賴此峴不有將軍國如何近者登萊有風色
鞞鼓興思在牧頗兵家制勝貴用奇焉用紛紛築城
多思公英偉不可作倚柱遂作鞍峴歌

玉洞愴懷

巷柳蕭條八九株欹巢不見鵲出入山雪溪雲正曩
屬日已曛矣歲亦臘池臺鐘鼓昔何樂綵服看花水
邊立捻是滄桑以前事百恨風樹其何急東家有酒
壽席熱作詩歸來倚杖泣

其二

名園清閣稱僊居柳間有巷松間途曉鐘聲歇市聲
至雖有溪聲未驅除浣女千砧水盡濁樵兒萬斧山
無膚眼中無限敗意事心遠地偏知其迺誰能移此
一丘壑置在王難之東石室隅

其三

玉流洞府西山隅鶴蓋成陰巷有車遊人歌笑主人
哭天時舒慘亦須吏去秋雷雨菌閣頽碧瓦朱欄眼
中無花石關心寡嫂悲藥餌埋頭一兒癯乃知堂構
非易事巖泉何曾古今殊

栗北村示純行

日暮粟北村扣門訪阿誰非惟會同人兼亦謁庖羲
庖羲氏沒千萬年神而明之一心傳盈天地間皆一
理圖書卦畫孰後先茅簷甕牖燒燭短手閱韋編見
先天講到三更半牕白起看林霰堆庭前君問六出
何物事似自河圖第一位四象須從此推去萬有紛
綸可觸類君能淡泊以洗心可契潔淨精微義駕風
鞭霆丈夫樂何限悠悠身外事

贈元雲瑞

海翼

避地紛紛孰定居雪牕孤坐惜三餘干戈秦漢無墳
典伏叟胸中數卷書

食雉戲吟示純行李德載

茅茨讀易門未開欵欵烏啼遶樹迴純郎卦上朱雀
動載郎袖裏華蟲來朝來浪說暮則驗神明之告亦
勞哉信知一飽皆有數萬事豈可愁肝腑夜深炮炙
出山厨燈照鬻盤割黃腴亦有清醪竹葉春條風到
面生氤氳今宵醉飽亦云足太平受用須惜福少年
戒之勿恣饞君不見洛陽豪士竄荒谷

綠水亭吟贈李季祥

上有黃檗溪下有綠水亭綠水亭有王清江李先生
文武才全厭功名作此菟裘費經營優游琴酒狎魚

鳥事往亭空難有聲清江爲祖何內外等是其孫卽
弟兄君看溪水本同源遙遙一派發龍門婚姻之故
誼更敦住近便是朱陳村恭惟當日兩先公接武金
華玉署中玉署銀燭半壁畫指點張翰歸江東迷源
作隣我家願惠好同車夢難翁綠水終美返身龜青
雲未作雙潛龍真同六一苦思歸思頽詩畱後人悲
滄桑血泣我猶畱松楸晚景子欲休餘年無幾鬢皤
然兒女在眼可解愁君之駉婦我嬌女女又生女巧
笑語斑裳登膝或挽鬚此事可樂真勝無黃牛奪乳
雪色粥錦雉加火紅地爐清醪軟泡宜豁齒滄澹寧

非老人需三陽已復動葭灰淑氣布地條風來冰融
膈膈十二灘送月巖畔可徘徊迨今朝野幸太平明
日何知且把杯阿郎阿郎爾移席石臺掃雪訪古梅
嗚呼夢灘所手植吾欲日醉其下卧不廻

柳高城

成運挽

今世無文獻惟公博雅能胸包石渠富步近木天昇
退轉隨風鷁低垂擊水鵬窮通與脩促司命詰何憑

其二

五十衰軀殼三年一息微墨形仍病簣灰念已朝衣
世教無旌別名途足是非詩人素冠歎吾欲與同歸

卷九

詩

三十四

其二

夙有襟期在非徒中表情聯翩孟公牘揚摧汝南評
岳麓衰相對蓬萊會不成我洋隨指盡殘涕送吾兄

騎牛歌

騎牛復騎牛騎牛勝騎馬騎馬易顛蹶騎牛只朴野
青雲達官飛龍馭鳴珂擁蓋金闕下朝雞夕鐘爭逐
隊忙者何由羨閒者騎牛不用鞭半日歷岡坂夜來
大雪白漫漫深至牛目步愈緩夾路蒼松虬龍枝不
勝頽壓偃且欹攬轡時時仰落雪風飄萬點冰鬚眉
騎牛之趣本自奇雪中騎牛又如斯扣角歌一曲千

古知音誰關門紫氣柱下史廬岳神光劉凝之吾不
能及爾遐舉與高風託身老特其迹同南山研白石
爛有心商歌非田翁騎牛勝騎馬焉用齊相駟馬高
車苦羈與葛籛坐覺身舒舒扣角復扣角歌闕暮山
虛嗒然牛背歌太古神農以前遺民歟

末句一作衆
維魚矣旄維

輿

三淵集卷之九

三淵集卷之十目錄

詩

元日夕襍被湛華軒會者凡五人

送德以桃峽問舍之行

韓叅判聖佑挽

送朴公瑞鳳齡赴北幕二首

送朴士賓泰觀游湖南

李子平秉成草堂下夜率吟

完南府院君李公厚源夫人挽

光陵寺畱別士敬

寒食後過抱山愴懷

過三淵感舊

花江遇習操戲贈地主李一源

栢田歌

次李一源詠三淵舊基韻二首

成達卿挽四首

金正字聖重挽

谷口漫詠寄養兒

春興雜詠四十六首 廿廿二三五六八廿廿三四
第一二三四五六七八九十十一四十五十六十七十八十九廿廿廿三廿五廿六廿七廿九

漫詠二十一首

永矢菴雨後

洪判書受憲挽

李持平東彥挽四首 十一二三

大水歌

趙地主光命與茅洲來宿戲題一絕

茅洲千里命駕仍携入水簾得峰字同賦

玩心樓同寢書懷

同茅洲出谷

上彌水嶺

石人臺

華巖西臺待日出會有雲霧不見海門

記來路所見

海

水城城上觀日出

自竹浦沿海 三首

明波道中望海 一首

登鑑湖東岸

鑑湖夜宿

石船

三日浦 二首

寺南晚詠

百川橋為大水所破

訪榆岾

內源洞口

中內源 二首

欲登彌勒峰未果

下內源

摩訶衍 三首

萬瀑洞

普德窟

三淵集
正陽寺

鳴淵

和譚字韻却寄稼齋二首

百淵雜詠和東郊諸絕十九首

又疊前韻二十首

又和東郊雜詠六首 卷二四

得長字示信姪

詠牛二首

水簾洞

雪後示信姪

十九日曉起賞雪示信姪

次信姪西字二首

曉吟

別信姪還京次其留詩韻三首 卷一三

伯氏初度日有同人稱觴之舉而弟獨遠焉歎

恨無極伏奉投示以志感兩律周復感歎之

餘草草攀和庸寓微忱於臺萊云爾

伏聞伯氏呈單圖遞情迹靡安申次前韻庸寓

憂懣之忱

謝鄭交州齊斗所貺四種兼抒所懷三首

三淵集卷之十

詩

元日夕襍被湛華軒會者凡五人

辛卯

舊歲如夢新歲驚白髮如從一夜生若登高嶺望遙
 野二十四節眼底橫哀樂安危所不知萬事吾知任
 運行屠蘇椒栢有殘瀝持向湛華軒上傾不速而來
 亦三客主人風雅以詩鳴村村拊缶囉哩哩爾可相
 和作新聲內足堂中酒不空便與四海為太平殘年
 飽飯數相見老去方會杜老情新年之祝莫過此起
 占天光看玉衡

送德以桃峽問舍之行

君衰難作行我衰難送行送行之難甚作行百感臨
歧淚欲橫西隣嘶馬五更鐘春寒惻惻青州程厚衣
加餐須愛身好水佳山或暢神北山草綠返駕未百
淵吾亦去尋春如何今日方太平問舍求田少閒人

韓叅判 聖佑 挽

非壽為難好德難昭明融顯就公看扶倫一節承儒
訓折獄千言破鬼肝迴得天霜松自勁多經劫燼玉
猶完翛然乘化夫何憾長掩玄扃萬世安

送朴公瑞 鳳齡 赴北幕

金華玉署窘如羈不出長安未足奇元帥臺高少榮
辱鬼門關險試安危勒功焉用班生筆長價奚徒王
粲詩知子立朝標格在更須胸海展無涯

其二

鰈域山川直北長七方周後有餘疆舊豐大是龍興
地委羽深為鴈出鄉度隴何妨頭皓白摩雲不惜馬
玄黃先春嶺上葡萄酒七寶遊成共把觴

送朴士賓 泰觀 遊湖南

詩在名山與大川無人搜抉只風煙滌湖迴接珊瑚
海月嶽高摩翠鷁天秦蜀紀行須子美巴陵物色待

三淵集
青蓮向來崔白推敲地何限驪珠棄道邊

李子平

秉成

草堂卜夜率吟

一宵聯榻亦因緣衰境吾知此會圓半雜古今談欲
騁將分晨夜坐猶堅和風井畔輕搖柳朗月橋南迴
度天亦有清心樓上客論詩愈覺興超然

完南府院君

李公厚源

夫人挽

迂齋型範百年垂清穆閨門哲訓持寵自天來奉鸞
誥養非已出仰鳩慈玄孫持服方爲壽獨壻成仁久
抱悲從葬廣陵斯妥魄隧中融洩會諸兒

光陵寺畱別士敬

不忍分歧並轡行迢迢忽若訪僊城深穿萬樹紆回
勢靜卧諸天婉變情嶺月塔雲頻遞影金鐘水碓偶
齊聲驪駒嘶在禪扉外雪岳歸人夢始驚

寒食後過抱山愴懷

後於寒食愴如初忍淚何能免濕裾酒漬莎苗香火
後風搖棠樹紙錢餘淡懷久撥潘郎篔簹衰夢猶牽鮑
氏車山作洞陰回顧勢白雲來往死生居

過三淵感舊

抱山朝淚有餘漣添洒三淵瀑下川一壑能藏寬世
界百年終送短因緣春回庚婢求桑谷雲老丁奴墾

三淵集
石田尚怪外姑偏戀女板輿擔揆睡龍邊

花江遇習操戲贈地主李一源

去秋與子遊金剛四更詠月步衆香桂花清露滴巾
袂殆與四僊高翱翔籃輿度橋東西去下山何處不
奔忙花江二月官柳綠繫馬擬共論文觴牒訴裝懷
乃小事前有喧喧閱武場戰格叅雲雲塞峽北鴈欲
度驚分張大旆連旗十郡集春川防禦神揚揚韎韐
君子仍地主發號出令開黃堂誰知騰蛟起鳳客凜
乎紫電兼清霜文武才全方是人吉甫所以憲萬邦
齷齪窮山一腐儒俎豆軍旅兩無當有耳何曾聽金

鼓避喧山椒得禪房依舊香城淡意味晨龕小鐘聲
琅璫

栢田歌

國家面面築山城不知何事方營營書生耳中鞞鼓
騰金化縣前大閱兵閱兵皆是束伍軍嶺西十郡來
合并元戎臨壇高屹屹五聖山北樹龍旌自是平原
矛戟地且馳且射爭輸贏布陣雲隨鵬翼旋吶喊海
送鯨濤聲斯須八門變六花擺闔猶令觀者驚野童
村婦爭拍手笑殺假倭狼狽形遇敵真能若此否西
北憂大未可輕棘門灞上異細柳漢文哈爾如孩嬰

三淵集
古來軍制稱府兵後出曠騎爲長征朝鮮獨無兵可
戰訓局御營徒虛名束伍爲軍尤草草十年一鍊何
由成雨拋金甲生綠苔蛛懸虎韞韜流星猝聞期會
始磨拭况乃賞罰未分明嗚呼以其卒與敵只坐噐
械未堅精卒不服習將豈全國命存活隨軍情君不
見丙子敗績栢田是洪公死綏徒忠貞嗟爾春川防
禦使莫學柳琳能逃生

次李一源詠三淵舊基韻

花江詩錄至滿紙起雲雷舊是吾家有今從爾筆來
潭搜陰畧伏壁掣巨靈開深知摸寫妙不似暫徘徊

其二

人帶三淵號空墟委草萊漁舟斷已久鳧舄往還廻
應哂浮家遠如輿攬古哀悠悠泡幻視麟峽又亭臺

其三

尚憶吾蓮社沿溪再渡橋穹林藥師護崇嶺紫藤朝
雲自隨僧住鐘應引客遙希夷眠有處松月已千宵
成達卿挽

雲雪三山夜初逢金玉人映冰心炯徹霏屑話清新
理窟推探贖僊源借問津投詩雖率爾意在託交神

其二

洒落延平訣觀心未發前斯為公案一自有密符傳
造次談何悉他時擬共研逍遙林下意遺恨會旌泉

其三

偶作商山隱非追四皓名潛龍一爻玩陰鶴九臯聲
只謂徵難拔那知逝已輕少微星晦矣青紫滿王城

其四

千里知君葬春天寫挽情高林黃鳥語空谷綠芻生
磨鏡聞徐孺奔車嘆巨卿分山書在篋重閱倍霑纓

金正字 聖重挽

平生不識子為誰一死方看百士悲人物眇然才可

惜宦途窮矣世何巖艷城劔抱衝星氣夢澤鵬違擊
水池正是燕臺收俊傑重嗟埋骨在當時

谷口漫詠寄養兒

一國如狂是宦途癡兒亦復冒塵趨雞難棄肋身為
絆鮎欲登竿計則迂十口眼穿黃綬望三邊夢斷錦
帆虞京居况味知甘苦桂盡千巖走峽奴

春興雜詠

春氣氤氳大嶺西山青水綠繞麟蹄問津往往漁舟
逗伐木丁丁幽鳥啼葛驛如窺劉阮洞藍橋宛入若
耶溪六年余作煙霞主猶有巖泉漏品題

其二

天時人事漸知艱若有相驅復返山源出百淵吾洗
耳峰羅五老爾開顏雲來雲去常依院花發花凋但
閉關靜裏未能無事業帶經多在課農間

其三

巖阿抱犢此其門自我開荒作一村短塔玄龜當戶
伏巨巖靈鷲向簷蹲桑麻日影千峰靜雞犬風聲萬
瀨喧坐樹濯泉於分足吾將以此遺兒孫

其四

林居偃仰順吾天花鳥欣欣隱几前返照一心終澹

爾溯窮千古亦樊然巢由遐舉儀鳳世黃綺冥棲逐
鹿年理亂難分從我好支頤且向碧雲眠

其五

昏曉看山岸葛冠陰晴氣候向春闌川華淡白年芳
靜嶺靄霏微雨色寒庭茁薜蘿思換服園抽薇蕨喜
加餐光陰似以閒忙異午枕三醒赤日團

其六

萬品舍和混與人一犁佳雨又知春泉從笮上穿過
速春在松陰俯仰頻木蕨初芽蒿欲老石田雖薄麥
懷新忘言不耐天機觸欲把千篇茂對辰

其七

菖杏時過布穀飛懶夫焉得晝關扉峰峰煙起燒畚
競岸岸泉騰水耨稀飲啄只宜循土俗寒暄猶未授
春衣維摩出谷頻相勸潭漲桃花胡不歸

其八

槩溪雪裏騎牛客又復騎牛麟峽中細雨衰輕渡西
澗平坡草嫩向東風畱心漢紀蒲山子作意商歌窹
相公今古悠悠各心迹願隨沮溺以長終

其九

雪岳寒溪若有人梅翁孤韻寄嶙峋亭亭日月惟知
已采采青薇不盡春迹是禪扉依苦滅志曾台閣展
經綸東風蜀魄啼山木尚想行吟攬涕頻

其十

華陰洞裏有知堂世父心期晚更長要與斯人同軌
躅將携小子此徜徉丹書著石畱金薤素髮臨淵過
雪霜桂樹巖阿添綠穗攀條淚落女蘿裳

其十一

安逸原中小有天萬花消息一僧傳藏春遠近烝霞
塢照夜尋常種玉田梯斷高蘿飛裊裊簾垂泫澗滴
懸懸冥尋早晚隨樵叟及至看基恐失年

其十二

十方僧俗競趨依
方丈蓬萊讓卓巍
豹伏年深逢霧
變龍潛爻動嚮天飛
名高何以無名妙
我貴初因知
我稀始與山盟同
晦迹山今顯矣欲何歸

其十三

朝鮮一面受青齊
麟峽千峰隔兩西
枕上千戈春夢
開日邊城壘暮雲迷
巖廊數月謀何設
骨肉無書望
欲啼猶有鹿門全
隱計待來安可斬雲梯

其十四

東嶺稍高生月遲
月生微白透西池
小塘灑灑光相

射羣木澄澄露已滋
不睡且將孤影弄
此心難著一
毫欺
虛明應物當如許
燭下陳編懶欲披

其十五

丁丑年間始作窠
開荒猶未鏟
嗟我籬間拾礫除田
廣柳側分泉入竈
多巷接煙村
熊鹿伴棧通雲海
藿魚馱幽偏中自周
生理屢見山青鬢亦皤

其十六

永矢菴居望却遙
維摩無伴久招招
圖書半壁雲烝
閣井竈微蹊月度橋
占地初耽偏
夙僻愛山猶恐不
昭嶢
從來鳳頂尤高處
自昔無僧見雪消

其十七

峰稠嶺疊廣雲西時復遐觀獨倚藜何限蔥蘢藏秀
異自相趨揖作高低胡僧塔下臨河落蜀魄杉顛見
月啼久矣真田曾樹屋初心蓋取近丹梯

其十八

隨分巖棲作寂寥眼前雲物自昏朝花飛數點春應
減松秀千林古不凋覽物何嘗無辨別居閒未是浪
逍遙年來頗省研經淺捻爲分功在雜誼

其十九

迢迢送目自高園白水青蕪漸次昏但有歸禽徐渡

澗何曾畏虎早關門吾人几杖千峰靜民物漁樵十
戶存無那誅求與騷屑幾年能得傲東軒

其二十

夕盤青巖佐黃梁起漱槽泉味更長植杖何曾違尺
寸遶塘依舊獨徬徨花陰黯黯鳩藏藪蘿月娟娟鹿
過場籬底農談聞一二斫畚終日下層岡

其二十一

山澤相涵理大哉看他嶺脚海縈回風從天吼谿訝
送月自雲根蕩漾來卧處鯨波通息脉往時鰲脊滿
亭臺隣氓屋後摧松櫪剗却漁撓買米廻

三游集
其二十二

六旬滾到何頑甚四體輕安不欲愁一夜絞腸非細
苦今朝放杖復閒遊蒜雞魚肉逢斯喫螻蟻烏鳶任
所投多事蓮池深念相血誠窮壑送終憂

右寄信姪
轉示蓮洞

其二十三

蘿風習習洞陰清閉戶存吾太始情病至所忻添靜
默客歸無念管將迎隣氓斫檜登雲獻家僕求鹽向
海程畱得一童閒讀史箕泉南畔不停聲

其二十四

朝烏乾鵲占歸虛日下人來不得書兒女艱辛知可

略廟堂憂慄恐如初人和地利言同異北築西防計
密疎屈指星軺應渡淚先聲皇極殿何如

其二十五

閉戶寥寥是靜功登園浩浩自春風斑鳩聲息知花
外黃犢生涯在草中杉頂蓄煙過去化池心簷影本
來空觀心觀物爲晨夕荏苒芳辰亦向終

其二十六

寒泉可食在巖阿不遇幽人竟若何半日浚源隨所
導數條剝木引相過盥從槽下呼童少漑入厨中得
婢多堪笑少陵生理拙雲安沽水鬢全皤

其二十七

天機日淺慾波深邈矣淳風不可尋
世事千般皆敗意山居一味不平心
魚游潭瀨楸沉急松擢巖岡火烈侵
燧氏庖皇流弊在望雲聊復一長吟

其二十八

春來無處不畱耕滿目煙從石上生
朝雞啄田非泄泄晚鳥窺井若營營
棲巖未必爲高致卽物惟須遣滯情
天下竊財猶小罪可宜偷得愛山名

其二十九

養痾三夕不巡塘來卽晴波漾我裳
亦有風花飛淡

蕩於焉山日下微茫松聲與鳥鳴
時合樓影隨人立處長始識孤遊
饒意味緩吟方始返幽房

其三十

布穀聲沉峽欲空子規啼動後林中
應知夜血難乾曉胡不西飛又到東
月白頻驚千里魄花紅倍憶萬年宮
滄桑亦有終身淚何處無山傍此翁

其三十一

六歲經營未有亭嗟吾久已負山靈
徒言泉石居然有那免巾鞋造次停
躑躅蘼成千澗赤薜蘿圍與兩屏青
偶來隔水聞幽鳥倚杖吟遲當倚櫺

三尺集
其三十二
咫尺僊源似各天送春谷口亦悠然浮來花是千巖
落啼到禽應萬木遷柏樹叅禪僧滿窟筍輿探勝客
如煙山中消息俱堪喜得意逍遙任爾先

其三十三

滿峽春星列玉繩經星搖蕩緯星凝試看墟落周圍
廣若有機緘次第昇北斗軋爲元氣酌三垣儼作至
神憑塵寰欲訴無窮事稽首天堦待夢登

其三十四

天險由來不可升區區測候竟誰能常瞻箕尾分區

野實恐旄頭露角稜北岳蟲飛無寸木東溟魚竭有
層冰巖阿憂緒纏多壘雖有桃源可獨登

其三十五

自少爲農雪滿頭何曾得意在西疇巖畚曬草斯逢
雨隣耦醜醜或病牛若有戲魔隨處沮沮亦知窮命與
仇謀平生僅一如心事體健期圓五岳遊

其三十六

農功奪我采真情安逸原前坐閱耕倘有喬松騎鶴
過應嘲沮溺叱牛行青臯破入松陰邃黃茂栽連草
色平午饁到時臨澗坐餐霞酌玉亦何羸

三淵集
其三十七

不嚮侯門折我腰，有時閒赴野人招。
中林濁酒隻雞在，一路清溪亂石遙。
躑躅娛衰顏欲醉，薜蘿傲世意方驕。
道傍往往空村塢，悶見山氓困稅徭。

其三十八

看花驛路去迢迢，日照青林雨點消。
春服亦宜垂老節，狂歌方託太平朝。
平岡牛得安閒睡，美蔭鶯流宛轉謠。
滿目詩情仍畫意，穿雲百折度危橋。

其三十九

碧靄籠山冉冉昏，清溪觸石嚮人喧。
真田宿迹如千

古小室幽期又一村，稱客誰知曾作主。
沿流猶可不迷源，明朝搜到巢居處。
老葛覃延幾丈根。

其四十

困睡巖間亦自醒，子規聲到五更停。
蘿籬疎密春星白，板屋氤氳曉靄青。
一瀑挂虹終落落，萬峰堆雪捻亭亭。
暮年作此閒行止，塵世悠悠久已冥。

其四十一

夾水疎松淨綠陰，一蹊如砥貫平林。
牛遲馬速看看嶺，鳳矯龍騰箇箇岑。
到老難忘三宿迹，論奇真會百年心。
曲淵亦有包吞未，理屐惟應歲一尋。

三游集
其四十二
換面峰來杖屨停溪回眼爲玉流青丹霞射送飛虹
影瓊液斟從小鉢形且取霏微潤膚髮若爲移轉近
牕櫺真源知在深深處萬古雲封百雉扃

其四十三

半生心上白雲菴到老方携衲子探分道攀躋捫葛
藟有時歌笑隔松楠孤霞縹緲疑僊窟萬石谿訝誤
佛龕可惜向來無嚮導冥行終未獲真叅

其四十四

依舊真田物色新喚他爲主我爲賓臨溪面勢知今

敞巖草生涯異昔貧戶外巖巒千佛逼籬根煙火白
雲親真成來往兼茅屋雪嶽寒溪不啻隣

其四十五

餘項溪邊日脚斜潭心蕩漾赤城霞趁鐘僧返菩提
樹飲澗牛穿躑躅花望絕瀑泉神亦王路窮村巷興
猶賒雲巖獨未登題品歸檢詩篇更發嗟

其四十六

馬上渾如枕上時青山在夢往來疲沿途十里鶯聲
聒隔日千峰蝶舞遲昏曉古今如是看形神離合亦
堪疑人間物化紛千態一癖煙霞老不衰

漫詠

杉亭來獨坐白水滿新晴無復談山伴林蟬高處鳴

其二

晨夕登園去慇懃問我泉莫作頻盈減須令一脉傳

其三

樓前開豆畝飯後每持鋤習專仍解妙初不讀農書

其四

未可全無事扶藜日涉園覬泉窮石脉嗅菌坐楓根

其五

積葉烝成菌其餘化作螢星星飛渡澗亂點薜蘿青

其六

新涼樓益敞猶自撥書眠却愧流螢入輝輝几案前

其七

多生仍習氣筆硯起閒愁羲文稀入夢虛倚玩心樓

其八

樓前呀小谷一縷每雲生龍藏焉可見聊以卜陰晴

其九

谷谷捻噓雲通融或分背畢竟一陰晴如何紛萬態

其十

乍覺庭清曠樓前始刈麻瑤華委地白誰復到山家

三淵集
其十一

松杉太蒼勁何以賁山家江湖秋色割紅蓼發孤花

其十二

出沒屯雲久高明岵亦勞何當霜後曙呈露玉身高

其十三

霧捲東臺豁孤圓月一輪梅翁不可見知己爾猶存

其十四

月裏看杉影忘言久倚欄偷心收不盡一半逐奔湍

其十五

松鳴催急管驟雨過簷陰山童採芝去溪漲宿何林

其十六

寂寂臨池坐風來水面過高林有病葉一箇委微波

其十七

東臺當鳳頂若可遠鐘聞安知青晻靄不是佛爐熏

其十八

西隣碧雲寺數里樹叅天鐘來每度澗山鳥赴簷前

其十九

已是冥棲久機心忘不忘簷間桑扈亂試觸不驚翔

其二十

炎氛猶滿目已有莎雞聲天機爾先覺人老愧靈明

三淵集
其二十一

顛風兩度過可惜豆花飄農功半成毀時運足蕭條

永矢菴雨後

久雨寥寥坐小菴種麻庭院碧蘿叅前溪十日無僧
渡但見閒雲過石潭

洪判書 受憲 挽

巖居憂世起嗟咨名利津頭士節微夸奪同風多窘
步脂韋成習捻妍皮衡門守靜其人在端笏當朝衆
望歸蘇合蜨螂從古嘆尚疑天上去乘箕

李持平 東彥 挽

立地頂天男子身純於爲孝直哉臣嗟吾不恨生衰
世似子無慚配古人秦鏡孤光偏照膽麟經餘筆大
扶倫如絃遇禍如鈎福此理憑誰詰彼旻

其二

名利關頭斷置身直聲奇禍與相因寬饒自信醒狂
者石介元非詐死人罪案糝糊三字獄愍恩昭煥十
行綸嶙峋折檻橫雲陛宵旰憂深悼直臣

其三

千秋巷伯使余傷可怪讒人別肺腸血未嘔顏先汚
口金因鑠火却增光黃沙故有煩冤積青簡終看善

三淵集
惡彰戟手街童與輿卒可知公議挾風霜

其四

上下相循是國憂地崩星孛也悠悠深山藜藿誰能
衛大凍松筠孰可儔信有淮王憚長孺亦聞胡虜笑
千秋金城鐵壘饒方略未敵朝端一鶚留

大水歌

辛卯孟秋廿二日倒海傾湫雨不絕瀕洞三日始開
霽俯仰吁駭焉可說若賭兩儀改判者良坎非復始
融結曳杖徐行巡衆壑大哉水勢肆滌汨揚濤奮沫
按高低觸巖舐隈見曲折絕岸喬松與蒼杉千仞之

託百年閎根漂半逐萍苴流榦揭弱如茱苒將澗中
累累牛馬飲萬石如掃誰所掇應知粉碎雷翁拳不
然跳騰織女室旋成沙汜布淡沲別開堂隍剗巖巖
潭有百曲太平堙始知丘夷而淵實水力焉能獨爲
此必有鬼謀叅磨軋或云龍鬪所使然白龍爲靈益
悍烈如留鱗甲石色鮮水落洗去玄黃血琉璃洞澈
疊銀玉日月照耀兼霜雪瑩然表裏八十里寸土不
留何太潔世氛無緣乍點著魑魅攝影遙遁逸絕勝
真添十倍價險隘何翅百二匹抱廻巖負廻巖石梁
摧盡雲棧裂熊井洞鶴巢壁隔山增峻雙溪瀟山岷

抱犢竟怙悵漁子停舟無髣髴錦帆青衣疆場虞此
中何知有奔突諸僧勿復勤修山限之僊凡固天設
老夫年來脚力短歛迹不欲向城闕從今可省往來
煩默謝山靈以自悅繩橋運糧路雖絕玄芝可茹葛
可掘百年堅坐永矢菴飽看水石忘飢渴

趙地主

光命

與茅洲來宿戲題一絕

枕藉秋雲石底眠互看身世逼真僊元龍牀大何無
禮不識人間有二天

因病用大牀
故落句云

茅洲千里命駕仍携入水簾得峰字同賦崔生
致城亦從

洞門疑與羽人逢歌嘯杉顛二客從莫究源頭來一
澗不知名號列千峰蕭蕭高葉驚幽鳥冉冉輕雲護
螿龍濯熱三更曾枕石水磨無復舊游蹤

玩心樓同寢書懷

相思夢有隔山通及至相逢夢又同蘿月照衾叅作
伴風泉聒戶兩無聽詩情別在忘言處夜氣須看欲
曙中久矣澗阿甘獨寐君來始免一牀空

廣玉皆病
聲領聯云

同茅洲出谷

豁然心目頓清醒曲曲疑非舊所經雷雨一番真盪
穢峙融千劫幻流形新添粉繪鶴還壁久託灣環龍

失庭最惜鯢淵無百頃小船虛擬繫煙汀

上彌水嶺

牕巖才過立巖高撐突雲霄似挿刀負勢真能長弟
起呈奇似慰往來勞名山磅礴斯為裔詞客牢籠偶
爾遭亦有佳潭蒙惡號須君洗雪在揮毫

所謂盜淵泉石絕勝

石人臺

石人千古屹為臺東面迢迢向若開積受天風能自
立凝因泡沫恐將頽海思挾欲褰裳去日馭遮令捨
轡回誰是後來乘好月風流亞使夜徘徊

華巖西臺待日出會有雲霧不見海門

禪牕乍拓問扶桑不識雞鳴已遠方素石依然踏圓
月玄雲胡乃掩翔陽人生臨老寧無樂光景如斯故
自忙猶有眼前餘境闊漁舟一葉點微茫

記來路所見

秋水南華有大言主人誇海亦瀾翻槎橫八月堪凌
斗亭對三山試倚軒採鯨小船縈石背浴鵬圓浪漲
天根看他水族洪纖缺百谷為王度量存

海

山停野斷大觀存水與天連互吐吞萬古憑誰問增

三洲集
減太虛於爾作淵源爲名爲博於斯盡堪樂堪悲可
復論詩欲摸奇知亦妄不如長嘯枕松根

水城城上觀日出

扶桑遠暈上城垣倒射金樞落月痕淡霧平凝讓黃
道長波微蕩惜紅盆重重羽衛陳方出落落天衢仰
始尊吾已十觀猶未厭如君創觀合驚魂

自竹浦沿海

竹浦朝煙淡自畱丹霞半面閃滄洲海天合下霏霏
減自是扶桑不識秋

其二

隱現鯨濤間陟岡馬過梧嶺詠詩長海天合下霏霏
雨要看沙頭濕海棠

其三

海濱奇崛石千頭或峙波心作小洲頻頻露脊鯨相
似往往成羣鷗自畱

明波道中望海

雲海東臨感慨長天時人事兩茫茫君能欲學乘桴
聖余亦將隨擊磬襄疆場煙塵應早晚朝廷風浪亦
尋常浮生跌蕩聊爲爾且上昆盧望八荒

其二

三淵集
乾端彷彿見天吳何限雲沙闊岸紆拍拍驚滂吹馬
首噉噉峙石挂鯨鬚風連秦漢船何在雨暗金銀氣
欲無縱未逢僊堪賦海爭將彩筆拂珊瑚

登鑑湖東岸

兩翁華髮對滄洲海闊身微始欲愁一勺真能產魚
鼈百年終自寄蜉蝣文章傳後非長策服食求僊亦
拙謀包括有形斯道在朝聞夕死復何憂

鑑湖夜宿

暗浪淘沙雨脚垂有聲終夜在疎籬津村坐失朝漁
利一日停船十日飢

石船

逃矣西方嶠岨人胡爲超越海東垠三千大界仍沙
界五十餘身卽化身幻力看他船是石慈心認爾後
于津微茫捨棹畱鐘迹欲詰其將問水濱

三日浦

奇峰三十六嬋娟逐岸無非可繫船神岳雲來紅樹
外大瀛風進白蘋前人從垞曲看軒檻龍在波心聽
管絃千古丹書猶滯迹不如移棹問高禪

其二

宛在中流或扣船埋香碑下久洄沿風恬浪靜逢今

三清集
日亭老松蒼度幾年倚石參差如喚鶴繞蓬空翠亦
非煙爭留姓字圖難朽甚矣人情浪慕僊

寺南晚詠

玉筍諸峰捻可憑雲崖嫋嫋古今藤同遊捻有攀躋
勇五到方看景氣澄石面磨礧霜彩動楓林藻繪露
華凝蒼然暮色來何見步到諸天散玉繩

百川橋爲大水所破

水自圓通瀉出遙一川奇麗頓蕭條海天鶴欲千年
返雷雨虹先八月銷可怪未蒙諸佛護應知作戲九
龍驕金繩覺路迷回向樟嶺尼臺望眼搖

訪榆岾

屯雲積翠四山雄五十真如坐在中金地莊嚴驚衆
目檀峰刻鏤費神工烏窺苔院千年井鯨吼霜空萬
壑風却坐溪樓看色界白毫光裏盡丹楓

內源洞口

停輿往往摘葡萄穿過霜林爛我袍源盡無何千瀑
遠雲低方始一菴高簾承彌勒擎天柱牕納扶桑沃
日濤笑謝諸君被我誘茲奇果可足償勞

中內源

孤菴是夜休鐘磬時刻人間雞亦號月隱猶然諸嶺

三淵集
皎海深何以遠濤高天風攪睡頻歌枕石氣侵肌欲
厚袍可是境清能助道飡霞倘亦換霜毛

其二

月未騰輝雨欲飛遂成山黑掩禪扉海風萬里松濤
應佛卓三更燭影微呼吸應通紫清近夢魂難越碧
峰圍看君倚枕裁遊記應述今宵宿不歸

欲登彌勒峰未果

彌勒爲峰望益高毘盧以外捨非曹勝無可濟知衰
甚志欲先登恃氣豪竟困松蘿蟠作簞難分綫徑細
緣毫置身兜率違孤願徒爾閭浮走一遭

下內源

內院深深上下菴下菴頽圯只塵龕幽泉寂歷空鐘
鐸寶樹凋枯老櫪楠庭蘚罕經僧踏破谷禽翻怪客
來叅空門成壞嗟如許灰劫聊憑老衲談

摩訶衍

蓮界森嚴淑氣長桂枯猶覺滿林香瓊峰皓彩常無
夜玉兔澄輝更帶霜歷劫山能孤卓犖百年吾亦五
翺翔未知頂禮曇無竭何似憑虛躡永郎

其二

睡鶴高杉屢警霜禪房卧處遍身涼林端隱隱來遙

三淵集
瀑月裏迢迢仰衆香慮澹物輕須自驗神超形釋若
將翔流連景物終妨道康樂耽山亦太忙

其三

每見茲山興欲狂去年今日亦徜徉虛庭步月花江
守遙夜聯篇桂樹章冉冉人衰無鼎鼎蒼蒼山老幾
星霜永懷回薄堪愁思安得流霞進一觴

萬瀑洞

五色龍蟠高下潭潭平瀑怒互相參重圍錦樹秋光
絢全受香城石面涵籠日雪雲冥大壑趁人霆霹到
遙蒼玉淵三峽爭雄麗五到猶然似始探

普德窟

觀音幻迹不全迷普德當年此寄棲鑿翠功奇堪駭
矚架虛勢急捻愁躋潭龍噓霧濛濛上臺鶴摩霄冉
冉低畱得一僧鳴磬坐隔溪回首杳丹梯

正陽寺

千仞臺孤五岳空太虛寥廓又秋風高雲浮白無餘
滓落照翻紅捻是楓鰲有三山疑處一人於中土願
生東紛吾五到誠非分何幸翩躚與子同

鳴淵

萬瀑餘波了鬱淵步隨斜棧俯懽然盛如黛甕灣環

三淵集
積來若白虹澆潯懸急鳥輕雲來浩蕩高蘿疊水影
勾牽是中隱現應神物或躍焉知不在天

和譚字韻却寄稼齋

弟昌業號

松磨檜颭夕風譚樓對寒山故不遮夢越千峰從棣
萼影留孤榻伴燈花東郊棗栗宜豐歲北里歌鐘豈
故家唱斷紫芝看雪嶺百憂稠疊重於車

其二

既往既來知力稀菴成永矢挂蘿衣棧崩雷雨遂無
徑淵合雪冰寧復歸試看天時方促景亦知吾道未
全非何家大小曾同社悵望青軒心事違

百淵雜詠和東郊諸絕

三年板閣閱寒暄松樞儲胥鹿豕村小雪纔過將大
雪自今無日可開門

其二

豆畝東頭小築場懶奴遺秉黠鼯傍猶供數釜酬冬
至不羨他家峙萬箱

其三

峽地何嘗用糞車農功滅裂粟多稔青畦播稻爲吾
飯人道鴻荒以後無

其四

牛欄清高雪澗隈飛芻雲棧峙成堆洛中親友歌招
隱林下何曾見虎來

其五

熊掌鮑魚列案齊蓬山霞醞又盈盞饑儒有愧朱夫
子當日山中少隻雞

淮陽送酒
故次句云

其六

樹屋初心鹿是羣僧叅樵謁也紛紛終期滅景簾泉
上障塞山門用白雲

其七

潭月分光與峽星澄氛一道界青冥衰軀不耐終宵

立泉漱歸時影在庭

其八

十年撼頓老偏催纔與山盟斷往來狂奴舊態逢秋
發楓岳看楓帶醉迴

其九

平生苦乏買山錢水到渠成白手前未學崖熊舐掌
過小厨松火兩時燃

其十

頽卧蒲團懶起來何心西笑觸風埃希夷一枕堪千
日洞裏朝元夢未迴

三淵集
其十一

浙浙松風幽幌外
琅琅經誦小燈隅
貪看嶺月盈庭皓
託以牛飢自給芻

其十二

不是三淵苦愛詩
九窩甕牖以詩嬉
曹劉李杜皆刪後
到老思追擊壤奇

其十三

雪欲埋山兔竄藤
有時朝雉戲高陵
東郊豪姪箕裘習
瞥見雲端泛黑鷹

其十四

身如老特謝繩鞭
能事飢餐與困眠
壁上先天心法在
夜來揩眼燭花前

其十五

爲學須加向裏鞭
亦知精進不如前
伊顏志業嗟何及
一蠹生涯寄一廛

其十六

遣興詩從枕上成
那分宋格與唐聲
隔牕有讀夔州律
童習牽來耳輒傾

其十七

殘年百感集深更
隣寺微鐘若有聲
山自鴻荒惟雪

三淵集
積天於大泣以風鳴

其十八

久矣靈臺未拂塵須從坐地整牀茵求端一念爲休
復冥會朱陽九野春

其十九

人事天時合閉關天人物穆兩無間隣僧問我隨緣
日春水桃花與出山

又疊前韻

通書洛裏只寒暄詩自東郊老樹村歷歷籬花與池
月風流學士夜敲門

其二

蠻觸千年獸齒平摧山萬杵忽騰聲信有寇來不能
上勢成倚角衛神京

其三

天文箕尾插青齊半日帆風送一盞朝野恬嬉誰復
警獨來窮峽聽荒雞

其四

昔在仁宗嘉祐間順昌奇士隱深山桃源商嶺嗚呼
晚讓爾清時早就閒

其五

誠知鳥獸不宜羣未忍將身逐世紛
范車哀牖知難及
差易還山管白雲

其六

載得千愁駟馬車不如窮巷吃糠粳
辛甘震撼睚眦裏弘濟艱難可必無

可必無一作定有無

其七

堂開平陸斗川隈迴挹三峰紫翠堆
北虜投鞭關廟慮東山何日看碁來

以上二首屬伯氏

其八

洙泗源長短景催亡琴餘恨撥還來
白雲蕭瑟三洲

沔鳶散魚沉四載廻

仲氏

其九

荏苒璿璣欲會星看花憶弟到玄冥
病餘眠食其何似散藥能於杞菊庭

敬明

其十

楓溪社主癖於詩溟岳來同漫浪嬉
赤岸探驪明月動金臺弄鶴縞衣奇

士敬

其十一

供世深知爾不堪蘿衣早合換朝衫
逍遙物外潯陽隱潦倒塵中濟用監

養兒

其十二

兒自摩尼扶病來盪胸高頂軼黃埃能令老子鞭衰
脚十二飛虹踏踏廻致兒

其十三

南州五馬逐征鞭到後衙齋穩食眠萬事隨緣只如
此不須筭後與思前厚兒

其十四

白雲秋興好攀藤歸卧郊扉對五陵皂色屏中宜返
視莫牽豪習看調鷹彦姪

其十五

弔影寒閨卧不成百年心事數鐘聲巖阿有父頑腸
肚每得來書淚輒傾長女

其十六

鷗亭熊夢吉音傳朱蒂包兒骨斬然撞破煙樓徵已
見翁聞此報喜無眠季女

其十七

古貌孤標已不羣眉間寧復挂塵紛顯人未及幽人
貴從我蒼苔卧白雲振孫

其十八

年豐踊貴莫如錢玉粒權輕市肆前安得都收阿堵

三淵集
物鎔成巨釜備炊燃

其十九

白塞乾坤泯色塵惟殘孤燭照牀茵淵翁心事同灰
冷舍得黃鍾管底春

舍得一
作未叶

其二十

蒼苔林中獨掩關芭蕉身寄冷雲間春花夏瀑霜林
爛題品高低竟雪山

又和東郊雜詠

東郊終歲阻身被白雲持縱有巖居愜寧忘野趣奇
掇英池檻靜蒸栗酒筵隨一一傳秋興功存十首詩

其二

書至披嘉藻山牕日日持能令顏密邇捻爲句清奇
賣菜樵歌返巡田草露隨襟期申學士吾已讓評詩

其三

一叟巖間活孤窮誰護持維摩同爨父小阮立隅奇
泉味茶中別松聲枕上隨韋編功斷續簷雨偶成詩

其四

豆畝穹林杪茶泉怪石邊瓊瑤中有土煙火下多天
開厭朱陳俗淳懷赫胥年山空雲滿院安穩一牛眠

其五

三淵集
萬玉峰圍繞天然一阜開鴻荒久空地昭曠敞斯臺
亭起松相守兒扶月亦來薇歌望梅叟寥朗壑生哀

其六

自從山有雪狂走或忘眠杖及看松壑篔承淪茗泉
窮陰且孤興無事勝前年誰識冰岡底襟情獨浩然
得長字示信姪

立志男兒事早年宜激昂韓歐堂奧窄洙泗路程長
道莫求仁切人多逐物忙千虛輸一實珍重讀書郎

詠牛

抱犢山名在吾今始養牛牽來歷冰澗安置近雲樓

綴柵蒼杉積環簷玉岫稠燒畚春後事騎且雪中遊

其二

牛也亦清福白雲深處身松陰眠數畝桃水送千春
紫氣僊同老斑文虎絕隣何由致好手並我畫傳神

水簾洞

百折源長萬嶺稠以誰雙脚遍探搜於中勝有簾泉
選與爾謀爲蠟屐遊楓飽霜冰猶映壁龍收雷雨別
開湫松根吹籥烹茶返要使青煙憇處畱

雪後示信姪

表裏玲瓏雪深房亦抱清猶將爾高卧似待月生明

三淵集
林岫寧論色水難未了聲譚詩與講道一氣驗殘更
十九日曉起賞雪示信姪

山齋滅燭掩扃眠忽復牕間見皓然今雪通明仍舊
雪後天無碧失先天朝霞炯晃呈丹嶂晚汲蕭條起
淡煙千古幽蘭賡者少爾詩能復起三淵

次信姪西字

滲漉天潢傾月窟裹封蒼嶺泯丹溪翩躚高下風姿
別充滿圓方色相齊獨怪孤菴存几杖閒愁十驛阻
輪蹄庭前玉樹攀堪惜北麓東郊捻在西

其二

一色千崖望欲迷因風滾捲忽平溪埋橋久矣紺園
隔堆院危乎板閣齊啄井飢烏明炯羽負巖窮鹿寂
寥蹄思將摩詰芭蕉手畫此巖居寄洛西

其三

海神車轍遍高低皓渺千巖與萬溪嶺旭漏光紅易
歛洞雲添影皎仍齊清歸窟寺跌僧坐利在村氓迹
獸蹄獨有淵翁無事業飯餘閒掃小樓西

曉吟

吾愛吾廬吾自知起居歌笑捻於斯三年煙火通嵐
靄一壑松杉補障籬泉給淪茶當沍涌牀因點易向

三淵集
暄移南榮數尺新添廣嶺月妍妍納影宜

別信姪還京次其畱詩韻

真成木石斷將迎久矣全灰骨肉情枉擬同牀畱歲
暮不堪分袂在天明丁寧煙店加餐語儆戒冰岡叱
馭行早識睽乖爰象動前宵詠雪大悲鳴

其二

會日經聲間笑聲若爲離後耿余情巖厨烹飪任濃
淡蘿幌卷舒隨晦明南院就暄看竹坐東臺候月繞
松行都歸寥落書樓閉剝啄空林怪鳥鳴

其三

何論離別所從生喜會嗟乖捨忘情理有流通曦月
轉心俱洞徹雪冰明須知巖壑看雲意不礙塵沙策
馬行更欲贈之何物可五更隣寺一鐘鳴

伯氏初度日有同人稱觴之舉而弟獨遠焉歎
恨無極伏奉投示以志感兩律周復感嘆之餘
草草攀和庸寓微忱於臺萊云爾

沙鷁峽鴈詠堪悲鹿豕同羣誚可辭黃閣昂茵徒費
想青軒籩豆又愆期賡詩剩見諸宗樂較健深知小
弟衰何日雪峰僊夢踐鳳臺高處捧瓊卮

伏聞伯氏呈單圖遞情迹靡安申次前韻庸寓

憂懣之忱

驚心寵辱顛懷悲幾日天聽瀝血辭一出非無綠野
墅高飛難與赤松期金門待漏神何憊瓜圃持鋤力
未衰北牖尋常南畝夢青牛背上白鵲危

謝鄭交州

齊斗

所貺四種兼抒所懷以未同楓

岳之賞

華蟲疏趾一何腴紫醞流霞又滿壺更有叅同契中
物延年豈合到頑軀

其二

晚學真同擿埴行嗟無慧眼炳前程故人別有通心

貺導暗應推自己明

其三

南軒爽豁晦翁豪雪裏雙憑紫蓋高寥闊千冬誰繼
躅又教楓岳笑吾曹

三淵集卷之十



